



**ZAPISNIK O RADU 56. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 26.04.2024. GODINE**

Broj: 01-GV-02-613/24
Sarajevo, 26.04.2024. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Srđan Simonović, zamjenik predsjedavajućeg Gradskog vijeća
4. Toni Vukadin, predsjedavajući Kluba gradskih vijećnika Naroda i Pravde
5. Adi Škaljić, predsjedavajući Kluba gradskih vijećnika Naše stranke
6. Muamer Mekić, predsjedavajući Kluba gradskih vijećnika Socijaldemokratske partije BiH
7. Vedad Deljković, predsjedavajući Kluba gradskih vijećnika „Deljković-Simonović-Čengi“
8. Samir Bejić, predsjedavajući Kluba gradskih vijećnika „Danijela Šahat - Samir Bejić“
9. Vedran Dodik, predsjedavajući Kluba gradskih vijećnika „SMS-Savez za Stari Grad-Srđan Srdić“
10. Bajro Biber, predsjedavajući Kluba gradskih vijećnika „USD-BOSS“
11. Seid Škaljić, predsjedavajući Kluba gradskih vijećnika „Seid Škaljić - Željko Majstorović“
12. Jasmin Skorupan, predsjedavajući Kluba gradskih vijećnika „Korora/Skorupan“
13. Mila Eminović, sekretar Gradskog vijeća

Odsutna: Enisa Spahić, predsjedavajuća Kluba gradskih vijećnica „Enisa Spahić-Amra Zulfikarpašić“

Sjednici je prisustvovala, po ovlaštenju Gradonačelnice, Aida Bajramović, sekretarka organa uprave.

Sjednici su prisustvovala Mirjana Đanović Stanić, rukovodilac Stručne službe za poslove Gradskog vijeća Grada Sarajeva i Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća je otvorio sjednicu u 11.07 sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **većinom glasova**, izjasnivši se sa devet glasova „za“ i dva „suzdržana“ glasa prisutnih članova Kolegija, **je usvojio** Zapisnik o radu 55. sjednice Kolegija Gradskog vijeća, održane 02.04.2024. godine.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** dnevni red 55. sjednice Kolegija Gradskog vijeća, tako da glasi:

1. Priprema za održavanje 40. sjednice Gradskog vijeća Grada Sarajeva
2. Tekuća pitanja



Ad 1)

Priprema za održavanje 40. sjednice Gradskog vijeća Grada Sarajeva

a) Termin održavanja sjednice i dinamika aktivnosti u pripremi sjednice Gradskog vijeća

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** sljedeći **zaključak**:

- 40. sjednica Gradskog vijeća će se održati u **srijedu 29.05.2024. godine u Vijećnici** sa početkom u **10.00 sati**;
- Predlagači će materijale dostaviti Predsjedavajućem, najkasnije, u **utorak 07.05.2024. godine**;
- Sjednice radnih tijela, u pripremi 40. sjednice Gradskog vijeća, održat će se u sedmici koja počinje sa **ponedjeljkom 13.05.2024. godine**;
- Pozivi gradskim vijećnicima za 40. sjednicu Gradskog vijeća će se uputiti u **srijedu 22.05.2024. godine**.

b) Praćenje realizacije Programa rada Gradskog vijeća Grada Sarajeva

Konstatovano je odnosno zaključeno sljedeće:

Prijedlog Odluke o pristupanju izradi Strategije za mlade Grada Sarajeva, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 40. sjednice Gradskog vijeća.

Informacija o odnosu Grada Sarajeva prema marginaliziranim skupinama, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 40. sjednice Gradskog vijeća.

Izvještaj o izvršenju Budžeta Grada Sarajeva za I kvartal 2024. godine, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 40. sjednice Gradskog vijeća.

Očekuje se da Izvještaj o radu i poslovanju Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva „Sarajevo“ društvo sa ograničenom odgovornošću za 2023. godinu, čiji je predlagač Skupština JP „Sarajevo“ d.o.o., **bude pripremljen** i uvršten u prijedlog dnevnog reda 40. sjednice Gradskog vijeća.

Očekuje se da Izvještaj o radu i poslovanju Javnog preduzeća „Olimpijski bazen Otoka“ d.o.o. Sarajevo za 2023. godinu, čije je predlagač Skupština JP „Olimpijski bazen Otoka“ d.o.o. Sarajevo, **bude pripremljen** i uvršten u prijedlog dnevnog reda 40. sjednice Gradskog vijeća.

Očekuje se da Izvještaj o radu i poslovanju Javne ustanove „Gradski Muzeji“ Sarajevo, čiji je predlagač Upravni odbor Javne ustanove „Gradski Muzeji“ Sarajevo, **bude pripremljen** i uvršten u prijedlog dnevnog reda 40. sjednice Gradskog vijeća.

Nacrt Odluke o komunalnom redu u Gradu Sarajevu, prema informaciji i obrazloženju Gradonačelnice, **nije spreman** i neće biti uvršten u prijedlog dnevnog reda 40. sjednice Gradskog vijeća.

Prijedlog Odluke o podizanju spomen-obilježja civilnim žrtvama rata Kantona Sarajevo, prema informaciji i obrazloženju Gradonačelnice, **nije spreman** i neće biti uvršten u prijedlog dnevnog reda 40. sjednice Gradskog vijeća.

Izveštaj Gradonačelnice o provođenju Odluke o uslovima i postupku prihvatanja pokroviteljstva Grada Sarajeva u 2023. godini, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 40. sjednice Gradskog vijeća.

Izveštaj o provođenju Odluke o stipendiranju učenika srednjih škola iz Budžeta Grada Sarajeva, po konkursu za stipendiranje učenika srednjih škola iz Budžeta Grada Sarajeva za školsku 2023./2024. godinu, prema informaciji i obrazloženju Gradonačelnice, **nije spreman** i neće biti uvršten u prijedlog dnevnog reda 40. sjednice Gradskog vijeća.

Prijedlog Odluke o stipendiranju izvrsnosti kod učenika srednjih škola iz Budžeta Grada Sarajeva, prema informaciji Gradonačelnice, **ukoliko bude pripremljen**, će biti uvršten u prijedlog dnevnog reda 40. sjednice Gradskog vijeća.

c) Teme planirane Programom rada Gradskog vijeća Grada Sarajeva za period januar - april 2024. godinu, koje nisu realizovane

Informacija o kandidaturi Grada Sarajeva za „Evropsku prijestolnicu mladih 2026“ sa rokom kada se steknu uslovi, prema informaciji Gradonačelnice, **nije spremna** i neće biti uvrštena u prijedlog dnevnog reda 40. sjednice Gradskog vijeća.

Prijedlog Odluke o izmjeni i dopuni Odluke o načinu sticanja statusa udruženja i fondacija od posebnog značaja za Grad Sarajevo, prema informaciji Gradonačelnice, **nije spreman** i neće biti uvršten u prijedlog dnevnog reda 40. sjednice Gradskog vijeća.

d) Teme planirane Programom rada Gradskog vijeća Grada Sarajeva za 2023. godinu, koje nisu realizovane

Izveštaj o provođenju Akcionog plana rodne ravnopravnosti u 2022./2023. godini, prema informaciji Gradonačelnice, **nije spreman** i neće biti uvršten u prijedlog dnevnog reda 40. sjednice Gradskog vijeća.

Informacija o provedbi Zakona o ravnopravnosti spolova BiH u Kantonu Sarajevo, prema informaciji Gradonačelnice, **nije spremna** i neće biti uvrštena u prijedlog dnevnog reda 40. sjednice Gradskog vijeća.

Informacija o realizaciji projekta „SKYWALK–SARAJEVO EYE“, prema informaciji Gradonačelnice, **nije spremna** i neće biti uvrštena u prijedlog dnevnog reda 40. sjednice Gradskog vijeća.

Član Kolegija Vedran Dodik pristupio je sjednici Kolegija u 11.13 sati.

e) Novi prijedlozi:

Aida Bajramović, sekretarka organa uprave je upoznala članove Kolegija da će Gradonačelnica za 40. sjednicu Gradskog vijeća predložiti i sljedeće materijale:

- Informacija u vezi sa primjenom Zakona o komunalnim taksama Kantona Sarajevo,
- Prijedlog Odluke o proglašenju manifestacija iz oblasti privrede i lokalnog poslovanja od posebnog interesa za Grad Sarajevo,
- Odluka o pokroviteljstvu (pojedinačna) o kojoj shodno Odluci o pokroviteljstvu odlučuje Gradsko vijeće - **ukoliko bude pripremljena**.

Jasmin Ademović, predsjedavajući Gradskog vijeća je upoznao članove Kolegija da će Gradonačelnica za 40. sjednicu Gradskog vijeća pripremiti prijedlog odluke kojim bi Gradsko vijeće proglasilo tri fudbalska kluba, i to: FK Sarajevo, FK Željezničar i SFK 2000 od interesa za Grad Sarajevo s ciljem finansiranja njihovih aktivnosti iz Budžeta Grada Sarajeva.

Član Kolegija Adi Škaljić je postavio pitanje hoće li Prijedlog Odluke o usvajanju Regulacionog plana „Alipašin most VI“ sa Odlukom o provođenju Regulacionog plana „Alipašin most VI“ biti razmatran na 40. sjednici Gradskog vijeća.

Aida Bajramović, sekretarka organa uprave je dala odgovor da je javna rasprava na Nacrt Odluke o usvajanju Regulacionog plana „Alipašin most VI“ sa Odlukom o provođenju Regulacionog plana „Alipašin most VI“ završena te da će Prijedlog Odluke o usvajanju Regulacionog plana „Alipašin most VI“ sa Odlukom o provođenju Regulacionog plana „Alipašin most VI“ po obradi javne raspravi biti upućen u proceduru.

Član Kolegija Adi Škaljić je postavio pitanje o realizaciji zaključaka sa 38. sjednice Gradskog vijeća, održane 27.03.2024. godine, koji su usvojeni prilikom razmatranja Prijedloga izmjena i dopuna Budžeta Grada Sarajeva za 2024. godinu, a odnose se na udruženja koja su proglašena od posebnog interesa za Grad Sarajevo, na koje je **Aida Bajramović, sekretarka organa uprave** odgovorila da je realizacija zaključaka u toku.

Ad 2)

Tekuća pitanja

Član Kolegija Bajro Biber pristupio je sjednici Kolegija u 11.19 sati.

Jasmin Ademović, predsjedavajući Gradskog vijeća je upoznao članove Kolegija da je gradska vijećnica Alma Čengiđ podnijela ostavku na mandat u Gradskom vijeću te da je ostavka prosljeđena Centralnoj izbornoj komisiji Bosne i Hercegovine.

Obzirom da pod ovom tačkom dnevnog reda nije bilo prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 11.25 sati.

SEKRETAR GRADSKOG VIJEĆA

Mila Eminović, s.r.

PREDSJEDAVALJUĆI GRADSKOG VIJEĆA

Jasmin Ademović, s.r.